

人

倭譜三才圖會

六十四

介甲類
龜蟹屬

五十四

龍蛇類



和漢三才圖會卷第四十五之六目錄

卷之四十五

龍蛇部

龍類
蛇類

龍

龍骨

螭龍

鼉龍

蜥蜴

避役

吉帛

帛脂
紫稍花

應龍

虬龍

螻蛄

蛤蚧

蛟龍

蜃

鮫鯉

守宮

蚺蛇

穿山甲



和漢三才圖會

龍蛇部

巨蟒 やまがら びろろ

金蛇 きんじや

麥稻蛇 いしやうへい ながそ

千歲蟻 せんさいあひ

騰蛇 とつそ

白花蛇 はくはなへび

水蛇 みづへび 泥蛇

爛尾蛇 らんびへび

野槌蛇 のげらへび

兩頭蛇 りうとうへび

烏蛇 くろへび

黃頷蛇 わうごくへび

蝮蛇 ぶつへび

青蛇 あおへび

天蛇 てんへび

卷之四十六

介甲部

龜類 鼈類

水龜 みづかめ

秦龜 しんかめ

黿龜 げんかめ

瑤瑁 たいうい

貴龜 きかめ

能鼈 のうへび

和尚魚 おしょういそ 海坊主

螳蜴 たうぎ 沙狗蟹

擁劍蟹 ようけんがい

蟹 かに

綠毛龜 りよくもうかめ

鼈 かめ

珠鼈 たまがめ 朱鼈

蟹 かに

望潮蟹 ぼうしうがい

蝓蚌 しうへい

鬼蟹 おにかに 島村蟹

攝龜 しやくかめ

納鼈 なつかめ

元龜 げんかめ

螳蜴 たうぎ

石蟹 いしかかに

獨螯蟹 どくじうがい

和蘭三才圖會

龍蛇ノ目 目録

和漢三才圖會卷第四十五

龍蛇部

龍類 蛇類

攝陽

城醫法橋寺島良安尚順編

龍音弄說文从肉有為鱗蟲之長蛇音錯古作它象其宛轉屈曲之形今从虫作蛇

時珍曰諸蛇出以春但以春夏為晝秋冬為夜冬蟄舍土至春出則吐出其舌變其耳聾而聽以目其蟠向壬方其毒有涎怒時毒在頭尾其珠在口其行也紆其食也吞有牙無齒故也交則雄入雌腹交已即退出也人見蛟交三年而死見蛇交主有喜入水交石斑魚又以龜鼈為雌入山與孔雀匹與雉交也夔憐蛇蛇憐鼠蛇吞鼠而有食之鼠蛇吞蛙而有制蛇之蝦蟇名田蛇所食之蟲則蛙鼠雀蝙蝠鳥雛所食之草則芥茄石楠茶黃虵粟所增之物則藜荷菴蘭蛇芮草蠶蠶所食之葉

則雄黃雌黃殺羊角蜈蚣

蜈蚣見大蛇能以氣禁之啖其腦眼蟾蜍食蜈蚣蛇食蟾

蛇蟠人足淋以熱尿或沃以熱湯則自解蛇入人竅以艾

炷灸其尾或割破蛇尾塞以椒末即出

或謂蛇有足見之不佳惟桑柴火炙蛇則足見不足怪又

五月五日燒地令熱以酒沃之置蛇于地則足見

△按蛇呼大者名乎呂知明蛇字音又稱倍美也變之別名

小蛇之總名曰久知奈波言似朽繩也近世來於阿蘭

陀治蛇蠶之藥有小黑石名須羅牟加溘天有樹名波

布手古不羅有草名留宇馱此二種今處處有之能治

蛇毒

凡龍蛇皆紆行而有四足者為龍屬無手足者為蛇屬

然龍蛇本一類矣春夏見龍升天者往往有之或人乘

船過琵琶湖着北濱少頃納涼時有尺許小蛇游來

稍迴舞下游水上十步許復還上蘆梢如初數次漸長

為丈許蓋此外天行法乎於是黑雲掩如闇夜白雨降

似車軸龍升天纔見尾遂入大虛而為晴天



龍

弄音

和名太都

唐音

那伽梵書

本州綱目云龍形有九似頭似駝角似鹿眼似鬼耳似牛

頂似蛇腹似蜃鱗似鯉爪似鷹掌似虎也背有八十一鱗

具九九陽數其聲如曼銅盤口旁有鬚鬚頷下有明珠喉

下有逆鱗頭上有博山名尺水無其尺水則不能升天阿

氣成雲既能變水又能變火其龍火得濕則燿得水則燔

以火逐之即息故人之相火似之龍卵生思龍鳴上

風雌鳴下風因風而化其文則變為二小蛇龍其毒益而
愛美玉空青喜嗜燕肉畏鐵及蔞草蜈蚣棟葉五色絲故
食燕者忌渡水祈雨者用燕鎮水患者用鐵矣說文龍春
分而登天秋分而入淵

廣博物志云龍雄者角浪凹峭上壯下殺也雌者直鼻圓
鼠薄鱗壯尾也

龍生九子蒲牢好鳴鍾鈕囚牛好音之樂器蚩吻好吞之獸
嘲風好險之殿角睚眦好殺之頭負負額好文之碑鬩狴犴好訟
之獄囚狻猊好坐之佛座霸下好負重之碑座此語近世所傳未
考所出又云有憲章好囚饕餮好水螭蜴好腥蠪蛭好風
雨螭虎好文采金猊好烟椒圖好閉口蚘蚘好立險敖魚
好火金吾不睡亦皆龍之種類也蓋龍性淫無所不交故
種多耳

龍骨

味甘平避鬼魅定魂魄之藥忌魚及鐵器思
膏牛黃惡龍骨龍骨得牛黃更良



吉吊

キツチヤウ

本細吉吊生嶺南龍每生二印一為吉吊蛇頭龜身水宿
亦木棲

吊脂

摩毒腫大驗又治聾每日點入半杏仁許便差
其脂至輕利以銅及瓦器盛之浸出惟雞卵殼
盛之不漏或須以瑠璃瓶盛之更以樟木盒重貯之不
爾則透氣失去也甚干醍醐

紫綵花

吉吊之精也多與鹿游或于水邊遺瀝值流
槎則粘着木枝如蒲槎狀色微青



蛟龍

キヤウロン

宮祝羅 和名美豆知

本細蛟乃龍屬其肩交生故謂之蛟長丈餘似蛇而有鱗
四足形廣如楮小頭細頸有白嬰胸前赭色背上青斑脇
邊若錦尾有肉環大者數圍其印亦大能率魚飛魚得龍
可免山海經云池魚滿二千六百則蛟來為之長
五雜組云閩中不時暴雨山水驟發漂沒室廬土人謂之
出蛟理或有之大凡蛟蜃藏山穴中歲久變化必挾風雨
以出或成龍或入海
白蛟 漢昭帝釣得白蛟若蛇無鱗甲頭有軟角牙出唇
外作鮮食甚美骨青而肉紫




螭龍

リンロン

知音

俗云阿未禮字

文字集異螭乃龍之無角赤白蒼碧也
本細龍有鱗曰蛟龍有翼曰應龍有角曰虬龍無角曰螭
龍



應龍

インロン

三才圖會云蒼丘山有應龍應龍者有翼龍也昔蚩尤御
帝帝令應龍攻于冀之野女媧之時乘玄車服應龍禹

水有應龍以尾畫地即水衛



蜃 辰音

本綱蜃乃蛟之屬狀亦似蛇而大有角如龍狀紅鬣腰以下鱗盡逆食燕子能吁氣成樓臺城郭之狀將雨即見也辰種又曰海市其脂和蠟作燭香凡百步烟中亦有樓閣之形

陸佃云蛇交龜則生龜交雉則生唇物異而感同也又云正月蛇與雉交生卵遇雷即入土數丈為蛇形經二三百年乃能升騰卵不入土但為雉爾月令云雉入大水為蜃蓋海蛤亦有名蜃者而同名異物也羅願以為雉化之蜃未知然否



鼉龍 駝音

鮑魚土龍 穿山甲

鮫鯉甲亦多穿山甲與此不同

本綱鼉江湖中多形似守宮鮫鯉輩而長一二丈背尾俱有鱗甲能吐氣成雲致雨是龍類也所居尤極深漁人以篾纜繫鉤探之候其吞鈎徐徐引出性能橫飛不能上騰其聲如鼓夜鳴應更謂之鼉鼓俚人聽之以占雨其枕瑩洋勝干魚枕生卵甚多至百亦自食之性至難死沸湯沃口入腹良久乃剥之南人珍其肉以為嫁娶之敬然此物有靈不食更佳其皮可胃鼓 鼉甲有酸微温 主治婦人血積帶下百邪癩癩以為平肝木治血殺蟲之藥



虬龍 音球

蚪

本綱虬乃蛟屬有角者也文字集畧云虬乃龍之有角青也

日本紀云仁德帝六十七年備中川島河派有大虬觸其處者必被毒多死亡於是縣守為入勇捍而強力以三全瓠投水曰余殺汝汝沈是瓠則避之不能沈者斬汝身其虬化鹿以引入瓠瓠不沈即舉劍入水斬虬更求虬之屬滿淵底之岫穴悉斬之河水變血故號其水曰縣守淵也



鮫鯉

石鮫 龍鯉

△按穿山甲出於處處多來於福建廈門本朝九列深山大谷中鮫鯉希有之俗云波牟左介

本綱鮫鯉深山大谷中有之狀如鼉而小背如鯉而鬣首如鼠而無牙腹無鱗而有毛長舌尖喙尾與身等尾鱗尖厚有三角有四足能陸能水日中出岸張開鱗甲如死狀誘蟻入甲即閉而入水開甲蟻皆浮出於是食之其腹內臟腑俱全而胃獨大又常吐舌誘蟻食之曾剖其胃約蟻升許也其甲以治風瘧惡瘡通經下乳之要藥

穿山甲

鮫鯉甲也或鹹微寒有毒不可生用最尾甲力勝此物穴山而居寓水而食此物不可於隄岸上殺之恐血入土則隄岸滲漏觀此說山可使穿隄可使漏其性之走竄可知矣



石龍子石蜴
山龍子泉龍
俗名
豬婆蛇

スエツ イツ 和名止加介

本細蜥蜴生山石間能吐雹可祈雨故得龍子之名有陰陽折易之義易字象形周易之名蓋取乎此形似蛇有四足去足便是蛇形頭扁尾長形細長七八寸大者一二尺有細鱗金碧色其五色全者為雄入藥尤勝味鹹寒有小毒傳尸瘡瘵蜥蜴全者以醋炙四十九遍名天靈蓋丸又利小便使娠婦忌用
△按蜥蜴有數種無骨易斷小兒戲輕敲則斷為二三其頭走尾紆曲如活者其大四五寸不過七八寸
大抵黃褐色而背有青白色縱斑頭微尖尾長去足乃似奈久曾蛇而額赤此常蜥蜴也狀相似而色有濃淡之異者多



のりり
地醫 地師
榮 地舅母
蜥 谷云井毛利

ヨシイユン

本細蜥蜴蟾蜍守宮三物相混諸說不分明時珍改正誤明也蟾蜍生草澤間蛇有傷則啣草以敷之又能入水與魚合狀同石龍而頭大尾短形粗其色青黃亦有白斑者不入藥用
△按蟾蜍生草澤溪澗及野井中俗稱井守形似蜥蜴而小全體正黑止腹微赤有小黑點頭圓扁口大性淫能交夜深至丑時多出土人候其時取之畜於水中俗傳曰捕其合交者雄與雌隔山燒之以為媚藥壯夫爭求之蛤蚧最為佳然未試其効也所謂入水與魚合交者石斑魚乎又謂青黃色或白斑者未審

本草綱目卷之四十五 蟲部 蟾蜍

わたりすひし下まれ枝のまひひすよひはく宮とく



守宮

壁虎 蝎虎
俗云也毛利
宮守之上畧

本細守宮人家塙壁有之狀似蛇醫而灰黑色扁首長頸細鱗四足長者六七寸亦不聞噬人又能捕蝎蠅故得虎名以其常在屋壁故名守宮謂飼朱黥女人身者非且△按古者貴賤所居皆稱宮至秦乃定為至尊所居之稱矣守宮今云蝶螈并字一類二種而所在與色異耳又守宮不多產相傳蛙鼃變為守宮



避役

十二時蟲

本細交州生人家籬壁樹木間守宮之類也大小如指狀同守宮而腦上連背有肉鬣如冠幘長頸長足身青色大者長尺許尾與身等鬣人不可療其首隨十二時變色見者主有喜慶又云不能變十二色但黃褐青赤四色而已蓋是五色守宮焉嘗云守宮以朱飼之滿三斤殺乾末以塗女人身有交接事便脫不爾如赤誌之說萬事術博物志墨客揮犀皆有其法本抵不真恐別有術矣所謂守宮者恐此十二時蟲矣至尋常守宮既不堪點臂亦未有螫入至死者也△按十二時蟲本朝未聞有之

新撰三才圖會 音虫部 四一五



蛤蚧

多キヤイ

俗云青蚧加介

蛤蚧 僊蟾

嶺南人呼其首為蛤蚧因其首如蛙名之

本綱蛤蚧居木竅間守宮蜥蜴之類也其首如蟾蜍背綠色上有黃斑點如古錦紋長尺許尾短其聲最大雄為蛤雌為蚧一雌一雄常自呼其名雄皮粗口大身小尾粗雌皮細口尖身大尾小累日情洽乃交兩相抱負自墮于地人往捕之亦不知覺以手分劈雖死不開最惜其尾見人取之多自齧斷其尾而去藥力在尾尾不全者不効曝乾售之煉為房中之藥甚効欲得首尾全者以兩股長柄鐵叉如黏糖等狀伺木間以叉刺之一股中腦一股着尾故不能醫也入藥陽人用雌陰人用雄鹹平有毒其毒在眼及皮治肺虛勞嗽氣液衰陰血竭者宜用之定喘止咳嗽莫

往於此

△按蛤蚧俗云青小者三四寸大者七八寸背青綠色而光有縱斑文腹白口大又有青綠光而無襍色者雌雄抱負人捕之則鳴如日蚧最有毒貓食之嘔吐煩悶人誤煮食之有中至死者今人恐不藥入用其尾脆易斷



蝮蛇

シエシエ

和名仁之木倍美俗云宇和波美

埋頭蛇 南蛇

本綱生嶺南大者五六丈圍四五尺小者不二三四丈身有斑紋如故錦纈春夏于山林中伺鹿吞之蛇遂羸瘦待鹿消乃肥壯也或言一年食一鹿也鱗中有毛如鬚故名蝮不舉首而紆行者為正真性難死土人截其肉作膾食其膾着醋能卷人筋終不可脫惟以芒草作筋乃可也

膽苦中有毒 狀若鴨子大上旬近頭中旬近心下旬近尾試膽別取粟許着淨水中浮游水上回旋行走為真猪膽虎膽亦雖水中走但遲耳治小兒五疳八癩明目五雜組云蚺蛇能吞鹿惟喜花草婦人山中有藤名蚺蛇藤捕者簪花裝紅衣手藤以往蛇見輒立不動即以婦人衣裳其首以藤縛之其膽護身隨擊而聚若徒取膽者以竹擊其一處良久利刀剖之膽即落矣膽去而蛇不傷仍可縱之後又有捕者蛇輒逞腹間劍示入明其已被取也其膽喻一粟於口雖拷掠百數終不死但性太寒能萎陽道令人無子

蛇油 可合朱砂能令印色隱起不蘸蛇牙 長六七寸佩之辟不祥利遠行
△按蚺蛇本朝深山中育之其頭大圓扁眼大而光背灰黑色腹黃白舌深紅也蛇食物飽則吐齶聞數十步其耳小僅二寸許形如鼠耳然蚺蛇不謂耳有無者未齶



巨蟒

キユイニシ

和名夜萬加加智

本綱巨蟒生安南雲南諸處蚺蛇之類而有四足者也有青鱗黑鱗二色能食麋鹿春冬居山夏秋居水能傷人土人殺而食之取膽治疾以黃鱗者為上甚貴重之日本紀出雲國鯨川上有大蛇知呂頭尾各有八岐眼如赤酸醬能吞人素蓋鳴尊斬殺之焉尾中有一劍劍是也



白花蛇

ツバアノシエ

斬蛇

本編白花蛇狀龍頭虎口黑質白花脇有二十四個方勝
 文腹有念珠斑口有四長牙尾上有一佛指甲長一二分
 勝形如連珠多在石南藤上食其花葉人以此尋獲先撒
 沙土一把則蟠不動以又取之用繩懸起剖刀破腹去腸
 物則反尾洗滌其腹以竹支定屈曲盤起其紫紅肉乾蛇
 死目皆閉惟出於勸列白花蛇雖乾枯而目開不陷故以
 斷蛇擅名諸蛇鼻向下獨此鼻向上背有花文以此得名
 喜整人足入人室屋中作爛瓜氣不可嚮之須速辟除之
 肉甘鹹溫為風藥速干諸蛇頭尾各一尺有大毒只用中
 刺須遠棄之傷人其毒與生者同



烏蛇

黑花蛇
 烏精蛇
 加良須久知奈波

本編烏花蛇不食生命亦不害人多在蘆叢中吸南風及
 其花氣最難採捕多干蘆枝上得之其身烏而光頭圓尾
 尖眼有赤光至枯死眼不陷如活者其重一兩以下者為
 上粗大者藥力減也可脊高如劍脊尾細長能穿錢百文
 肉甘鹹有治諸風頑痺

一種有長大無劍脊而尾稍粗者名風稍蛇
 △按烏蛇見人則舉頭追來迹人不可正直走如字則
 蛇不能追至也雖追著此蛇不敢為害



金蛇

金星地鱗
 銀蛇
 錫蛇
 金銀蛇未聞有於本朝

本編金蛇生賓州澄州大如中指長尺許常登木飲露體
 作金色照自有光其白色者名銀蛇又名錫蛇近皆少捕


本草綱目卷之六十一 蛇類 公蠅蛇



公蠅蛇
水蛇
レエイシエ、

本細生水中大如蟬黃黑色有縹紋齒人不甚毒能化鱉者即此也

泥蛇 黑色穴居成群齒人有毒與水蛇不同
△按江海水涯有穴處以為有鰻鱺以手搜之握水蛇泥蛇等所齧者多



黃頷蛇
俗云星蛇
ハアンハンシエ、

本細黃頷蛇多在人家屋間吞鼠子雀雛見腹中大者破取其姓鼠乾之為藥紅黑節節相間儼如赤棟桑根之狀喉下黃色而大者近丈皆不甚毒兒多養為戲弄死則食之

一按黃頷蛇竄樓人家吞鼠及燕子不啣入如有舍廡食米者長大有二三丈者捕三四尺許者令纏巧兒女頸稱因泉所業乞錢之類和漢共然子
有一黃頷蛇吞雞卵出於戶鑰孔卵輾自潰蛇快然去因以黃楊鴈卵形置罅亦蛇吞之潛鑰孔而木卵不啣潰蛇還退入尾於孔逆潛即木卵吐出得妄焉人懼其智



交相蛇
ハシコウソウビ

本草綱目卷之六十一 蛇類 交相蛇

△按園野處處有之大抵三四尺大者一丈許黃褐色自頭至尾有縱文其文淺白如麥相故名又名奈久曾蛇誅不露人與黃額蛇同好事者弄之



焗尾蛇

俗云日波加利

ひじりり

竹根蛇

カウウイレ

本細竹根蛇不入藥用最毒喜緣竹木與竹同色大者長四五尺其尾三四寸有異點者名焗尾蛇毒尤猛烈中之者急灸三五壯毒即不行仍以藥傳之
△按有毒蛇不過一二尺色深黃有細點中其毒者即死故俗呼曰日限此乃焗尾蛇矣
小蛇有庭砌人手捕之棄于壁外少時腕有小孔如針

痕血出似絲線須臾百自腫脹發熱招予乞治蓋此焗尾蛇所齧也急傳止血藥止血次艾灸一壯上傳留字陀草末內用敗毒散二三貼平愈



蝮蛇

和名波美又云片尾俗云真虫

反鼻蛇

ヒヤアシ

本細蝮蛇黃黑色如土白斑黃額尖口細頸大頭焦尾鼻上有鍼錦文如緩文間有毛如猪鬃大者長七八尺含太陽火氣而生故利牙有毒蛇類最多惟蝮中其甚急但即時以刀割去瘡肉投於地其沸如火灸須臾焦盡人乃得活又云衆蛇之中此獨胎產也七八月毒盛時醫樹以洩其毒樹便死又吐涎沫于草木上着人成瘡身腫名蛇瘡瘡卒難治療也其脂摩着物皆透也

肉甘溫 取活者一枚以醇酒一斗浸封埋馬溺處固牢
取開蛇已消化酒味猶存不過一斗以來當覺身習習
而病愈最治癩病此疾感天地肅殺之氣而成惡疾也
蝮蛇稟天地陰陽毒烈之氣而生惡物也以毒物而攻
毒病也

蝮 與蝮同類長尺餘蝮大而蝮小其毒則一其色
如土而無文

△按蝮蛇大抵長者不過二三尺凡諸蛇自頭至尾次第
纖如牛蒡根惟蝮蛇如木杖而至尾端急纖又諸蛇卵
生獨此胎生吐子於口然有利牙不易產七八月將產
時自欲脫牙好嚙樹咬人草行不可不慎人殺之宜摧
其頭如打身尾未及頭則悲鳴聞其聲群蝮來覓無之
奈何也蓋此非實物其地草莖化如羣蛇然其極念可
知矣每好蟠山椒樹故蝮身有山椒氣香土人取之剥
皮但以上下唇裂之則皮肉骨分為三段肉潔白如膏

寸寸切亦能蠶動用梅醋浸食甘美益氣力強神志
又黑燒為藥隱名曰五八草又名十草能止血治惡瘡

粉若值雨變成小虫
子生於口時尾先出纏竹木互如引出生直紆行復如
此凡六七子又蝮與蝮為一種為別種諸說時珍解之
愈為一物小而無殺者為蝮大而無文者為蝮云
畿內有之者長一尺許而尺半者希矣九州之產雖大
不過一二三尺皆地黑色而有黃赤白錦文無文可稱蝮
者希有之

蝮性甚勇悍也農人草行見蝮欲殺而不攜刀杖故嘗
曰汝卑怯者不可去也還家持鋤鋤等復行蝮嚴然如
待然或以竿捋其首曾不避去徐縮身肥僅為五六寸
此為當跳著也果急跳懸拗首則死其鐵有尾如蜂針
常不見臨時出刺人毒最烈然謂鐵有鼻上者未審傳
云取針安懷中令人勇氣



千歳蝮

合木蛇
斫木蛇

ツエニスイホツ

本細千歳蝮狀如蝮而長一二尺有四脚形如蛇蟻其頭尾一般大如搗衣杵故名合木蛇能跳來嚙人入中之必死其嚙已即跳上木作聲云斫木斫木者不可救也若云樽叔樽叔者猶可急治之用細辛雄黃等分爲末內瘡中三四易之



野槌蛇

合木蛇之屬

のびらるる

△按深山木竅中有之大者徑五寸長三尺頭尾均等尾不尖似槌無柯者故俗呼名野槌和州吉野山中築楠川清明之瀧邊徃徃見之其口大而噬人脚自坂走下甚速逐久但登行極遲故如逢之則急可登高處不能逐著



青蛇

俗云阿字
牟之也字

あまのま


△按有山中石岩間青黃色而有小點頭大面如龍其大者一丈許老者生耳本州所謂與竹根蛇同色非一物



騰蛇

テエシエ、

本細能與雲霧乘之飛游千里能化龍有雌雄不交
陰陽變化論所謂騰蛇聽而有孕白鷺視而有胎是也



兩頭蛇

リシテウシエ、

扱首蛇 兩根也
越王蛇

本細人謂是越王怒紘所化故名之轉物馬龍食半血所
化然亦自有種類非盡化生也大如小指長尺餘背有錦
文腹下鮮紅兩頭而一頭無口目俱能行如見之不吉然

嶺外極多而人視為常不以為異

山蛭 亦名兩頭蛇夏月雨後出如蛭蛭大有鱗其尾如
首是老蛭所化行不類蛇宛轉甚鈍

岐尾蛇 出雲南國
苟印 一名苟斗出潮州如蛇有四尺



天蛇

本細天蛇生幽陰之地遇雨後則出其大如筋而匾長三
四尺色黃赤澆之以醋則消或以石灰糝之亦死
錢塘一田夫忽病癩扁身潰爛號呼欲絕西溪寺僧視之
曰此天地毒非癩也以秦皮煮汁一斗令其恣飲初日減
半三日頓愈


△按天蛇非蛇種類而蛭之屬也深山溪陰四時不見日光之地如夏月霖雨中濕熱感生蛭多有枝梢而墮行人之上俗謂之曰盤降然其大者不過尺紀州熊野熊取越土州野根山越等亦間有之

蛇皮 蛇衣 蛇脫

△按蛇秋蟄前脫皮光白色如薄紙首尾全不損也未雨濡者取油煉傳元禿則生毛髮蛇蛛脫皮色亦奇也凡蛇忌煙草脂汁入蛇口則困死如入穴蛇力士捉尾引不能出傳煙草脂則出又云其人左手捉其身右手引蛇則出未知其理有火人擲馬古香中蛇則甚悲追其人惡之乎好之乎蝮咬足或螫牙針留膚痛急緊縛其疵上可傳煙草脂如緩則直上至肩背煩悶用真綿撫其邊則牙針係綿以鑷拔取次傳煙草脂或膏藥愈

和漢三才圖會卷第四十六

介甲部 龜類 鼈類



水龜

和名美豆加女

みけりめ 玄衣督郵

シイノイ

本綱龜頭與蛇同故字上從它其下象甲足尾之形它古蛇字也甲蟲三百六十而神龜為之長其形象三離其神在三坎上隆而文以法天下平而理以法地背陰向陽蛇頭龍頸外骨內肉腸屬於首能通任脉廣肩大腰卵生思抱其息以耳雌雄尾交亦與蛇匹今人視其底甲以辨雌雄秋冬藏穴導引春夏出蟄脫甲故靈而多壽也不可輕

和漢三才圖會

介甲部

龜類

一

殺之龜老則神年至八百反大如錢夏則游香荷冬則藏於藕節其息有黑氣如煤煙在荷心狀甚分明或云龜聞鐵聲則伏被收嗜則死香油抹眼則入水不沈老桑葉之則易爛皆物理之妙也

龜甲神屋敗龜版 龜頭方脚短殼圓版白者雄也頭尖

脚長版黃者雌也陰人用雌取之勿令中濕濕即有毒

能補心腎血分治勞藥也龜鹿靈而有壽

龜首常藏向腹能通任脈故取其甲補心補腎補血皆以養陰也

鹿鼻常反向尾能通督脈故取其角補命補精補氣皆以養陽也

龜溺治聾耳滴中風不語 磨瓷器能令軟磨墨書石

能入數分也取溺法 取龜置瓦盆中以鑑照之龜見

其影則淫發失尿急以物收取之又法以紙炷火照其


尻亦致失尿但差緩耳或以松葉刺其鼻即尿出捷也

△按龜屎和墨書石及木則深深入或重紙押印一印而

能透干下亦據此製矣蓋龜乃靈物非可輕殺者既知

欲殺之情夢告折傷藥糟驗法得免之類不少也予蓮池龜多有冬則蟄泥中春則出自有雌雄夏月撥沙地作窪坑生卵一窠五六箇大如鳩卵而子初生一寸許暑日則上岸涯負子乾甲每喜雨行草中食芻未見與蛇交者若野池之龜然乎否

新云 水之けまのけき此水の海も日新給法屋四下



秦龜

ツインクイ

笠龜 山龜

和名以之加米


本細秦龜處處山中有但秦地多老龜極大而壽故得名冬月藏土中春夏秋即出游溪谷其大而可下者曰靈龜年至百歲能變化者曰筮龜或伏於蒼草之下或游於卷耳芥菜之上近世知龜卜者稀故不貴也甲亦可飾器物

本草綱目

龜

卷

其頭或前，鬚骨陰乾，佩之入山不遠。
 △按秦龜俗云石龜也，采其尾陰乾，齧牙痛者，啣合痛處，則少頃痛止，屢試有效。



蟠龜

蟠蟠 靈龜
 負龜 龜龜

本細蟠龜生於海邊，山居水食，毒瑤之屬，大如笠，四足纒胡，無指爪，鳴聲如茲夷，故名之。又云其大者曰蟠蟠，小者曰龜，其甲名龜筒，有黑珠文，未斑似錦文，但薄而色淺，不在作器，惟堪貼飾。

龜靡 狀似龜，而甲薄，肉味極美，一板有膏三斛。



玳瑁 代 昧

俗以龜甲名 龜甲者甚誤

本網毒蝦生海洋深處，似龜殼稍長，背有甲十二片，黑白其文相錯，而成其鬚邊，缺如鋸齒，無足，有四鬣，前長後短，皆有鱗斑，文如甲，性不再交，望卵影抱，謂之護卵，但老者甲厚而色明，小者甲薄而色暗，其大者難得，小者時時有之，取時必倒懸其身，用滾醋潑之，則甲逐片應手落下，其柔作器，治以鱖魚皮瑩以枯木葉，即光輝矣。
 甲甘寒，解毒清熱之功，同於犀角。既經湯火，即不堪用。
 △預解痘玳瑁犀角格生磨和勻，溫服半合，日三服，則未發者內消，已發者稀少。
 撒八兒 乃玳瑁遺精，蛟魚吞食，吐出羊深，結成者，其價

實如金，爲作者乃犀牛糞也。其臭者亦是玳瑁遺精，否
無所詢證。

△按玳瑁甲飾文匣香盒爲櫛笄簪子等黑紫色映日見
之有白赤黃標文艷美可愛然脆易折損難繼補也近
頃工人繼櫛齒折者聊不見其痕但炙溫接之耳

みのめ

綠衣使前

綠毛龜


俗云蓑龜



ロツマウクイ

本細綠毛龜今惟蘄州以充方物養龜者取自溪澗畜水
缸中飼以魚鰕冬則除水久久生毛長四五寸毛中有金
線脊骨有三稜底甲如象牙色其大如五銖錢者爲真他
龜久養亦生毛但大而無金線底色黃黑爲異爾
△按太抵畫工所圖龜皆有長毛如綠毛龜而本朝希有

之者也稱光帝應永廿七年河州獻綠毛龜蓋久畜主
毛者非也尋常水龜冬藏泥中春出時甲上被藻苔青
綠色如毛捕之數撫而不脫經月則毛落如常



龜のくろめ 呷蛇龜陵龜

攝龜

雀龜 螺龜

レツクイ


和名古加米

本細攝龜小龜也處處居丘陵狹小而長尾腹小中心橫
折能自開闔見蛇則呷而食之故此肉不可食甲亦不

鸚龜水龜一名生南海狀如龜長二三尺兩目在側如鸚與

旋龜而非類山海經云旋龜鳥首虺尾聲如破木佩之已龍耳亦

此鸚龜之類也
△按右此等之龜本朝未聞有之



三足龜


貢龜

フシタイ

山海經云，在水，西注伊水，中多三足龜。唐書有獻六眼龜。大明會典云暹羅國獻六足龜。宋史云獻兩頭龜。此又前人所未知者也。

△按日本紀天智帝九年邑中龜背書卅字，上黃下玄長六寸許。元明帝和銅八年獻靈龜，眼七寸，關六寸，左有三天，背負七星，前脚有離卦，後脚有一父腹，下赤白兩點，相次八十字。聖武皇帝天平元年獻異龜，背有天王貴平知百年不字。光仁帝寶龜正親町院，元龜之年號共據獻兩頭龜，其餘所載于史之靈異龜亦不少。清和帝七年自肥後國獻白龜，在原行平及君臣賀之。

之帝曰：禎符之降，必應盛德。方今運非光華，國多災異，水府使孰為來哉？疑是青蓮之遊，無心而出，何偷天以爲己榮辭，遂不受。



團魚 神守

河伯從事

和名加波加米 俗云須豆保年

本細鱉乃甲蟲，水居陸生，脊連腸，與龜同類。四緣有肉，裙故曰龜，甲裏肉，鱉肉裏甲，無耳，以目爲聽，雖無雄以蛇及龜爲匹，故燒龜脂可以致鱉也。夏日浮乳其抱以影卵生，思抱其狀，隨日影而轉，在水中上必有浮沫名鱉津，人以此知取之，鱉一鳴而鱉伏，性相制也。又泉蚊生鱉遇蚊叮則死，兵死鱉得蚊煮則爛，而重蚊者復用鱉甲物，雜食此異哉。魚滿三千六百，則蚊龍引之而飛，納鱉守之。

即免故名神守

鼈甲 鹹平 厥陰肝經血分藥 以醋炙斷老瘡研末酒服方

朝臨時二度用之無不斷婦人難產方如上癰一切瘡

肉 甘平 禮記云食鼈去醜謂頰下有軟骨如龜形合雞子

合莧菜共不可食也到鼈以赤莧同包置濕地經旬皆

成生鼈 又忌猪兔鴨肉 損人 忌芥子生惡瘡

凡異形之鼈皆有毒蓋鼈性本不熟食之者和以椒薑熱

物治虛勞及久痢婦人帶下益氣補不足


三才圖會云天地之性細腰者純雄大腰者純雌大腰龜

驚之屬以蛇為雄陸佃曰鶴影生鼈思生鼈伏于淵而卵

剖于陵此思化也

△按鼈皆自有雌雄生卵也非必以蛇為雄有齒最强推


煮之則柔如鯨皮味甘美也生則如鯨皮而不可食



納鼈

ナツピイ

本細納鼈無裙而頭足不縮者也亦作納字有毒食之令人昏塞陸佃云池魚滿三千六百則蛟龍引之而飛納鼈守之則免



能鼈

ヒイ


三足鼈

和漢三才圖會

海部

六

本綱能鼈三足也肉大寒有毒食之殺人骨有入得三足
 鼈命婦烹食畢入臥少頃形化為血水止存髮耳隣人疑
 其婦謀害訟之官時知縣黃逢宜鞠問不決乃別取三足
 鼈令婦如前烹治取死囚食之入獄亦化如前人遂辨其
 獄竊謂能之有毒不應如此然理外之事亦未可以臆斷
 也而山海經云從水多三足鼈食之無靈近亦有人誤食
 而無恙者何哉蓋有毒害人亦未必至於骨肉頓化也




珠鼈

たまらぬ
 千イビイ

本綱珠鼈有澧水及高州海中狀如肺四目六足而有珠
 其珠有足淮南子云蛤蟹珠鼈與月盛衰者是也
 朱鼈 本綱朱鼈生南海大如錢腹赤如血浮波必有大

由男佩之刀劍不能傷女佩之有媚色




鼈 元音

イニ

本綱甲蟲惟鼈最大故字從元元者大也生南方江湖中
 大者圍一二丈狀如鼈而背有臘肥青黃色大頭黃頸腸
 屬於首肉有五色而白者多以鼈為雌卵生思化故曰鼈
 鳴鼈應燒鼈脂以致鼈皆氣類相感也其卵圓大如鷄鴨
 子一產一二百枚人亦掘取以鹽淹食此物老者能變為
 魅性至難死剔其肉盡口猶咬物用其脂摩鐵則明也
 五雜組云殺鼈剗肉懸桁間見無人便自垂至地聞人聲
 即縮其肉剗盡而留腸屬於首數日不死鳥攫之反為所

三才圖會云龜性好自曝其腹於江岸漁人伺其便接以鈎倉卒不能及為人所制




和尚魚

俗云海坊主

ホウシヤンイネ

三才圖會云東洋大海中有和尚魚狀如蟹其身紅赤色從潮汐而至

△按西海大洋中有海坊主驚身人面頭無毛髮大者五六尺漁人見之則以為不祥漁罟不利遇有捕得則將殺之時此物拱手落淚如乞救者因誥曰須免汝命以後後不可離我漁乎時向西仰天此其諾也乃扶放去其所謂和尚魚是矣



蟹

同 鱈

螃蟹 郭索 橫行介士 無腸公子

ヒヤイ

和名加仁

本細蟹生池澤諸水中此物亦如蟬秋初脫殼名蟹之意取此義以其橫行曰螃蟹以其行聲曰郭索以其外骨曰介士以其內空曰無腸公子有數種外剛內柔於卦象三離骨眼蝸腹雌腦鱉足二螯八足利鉗尖爪殼脆而堅有十二星點雄者臍長曰蝦螳雌者臍圓曰博帶腹中黃應月盈虧其性多躁引聲噴沫至死乃已生於流水有黃而腥生於止水者色紺而馨其散子後即自枯死霜前食物故有毒霜後將蟄故味美今人以為食品佳味鹹寒有凡蟹生烹鹽藏糟收酒浸醬汁浸皆為佳見燈易沙得殼易腫得皂殼及蒜可免沙腫得白芷

蟹不敵得葱及五味子同煎則色不變

蟹之加仁比 鹽藏者也凡蟹獨螯獨目六足四足腹下有

毛頭背有星點足斑目赤者並有毒害人於秋汁紫燕

蟹皆之不可同材及荊芥食發霍亂動風木香汁

蟹黃能化漆為水故塗漆瘡用之其螯燒煙可集鼠於庭


也食蟹中毒者食蟹則解

夫本 橫之有者乃蟹乃寄居於蟹之口也

有飛蟹能飛 有百足蟹 有紅蟹海中大蟹紅色

筆談云關中無蟹土人怪其形狀收乾者懸門上辟瘴不

但人不識鬼亦不識也



蟹

越 彭

和名蘆原蟹

ホンエツ

わづら

蟹

本細螳螂蟹之最小無毛者




螳螂

ホンキイ

本細螳螂大於螳螂小於蟹生陂池田港中味鹹寒有毒吐下也蔡謨初渡江不識螳螂啖之幾死嘆曰讀爾雅不熟為學者所誤也

沙狗蟹 生沙穴中似螳螂而見久便走者不可食



望潮蟹

俗云瓜白蟹

和漢三才圖會

卷之四十六

蟹

本細望潮蟹生海中似蟾蜍而潮至出壳望者可食



石蟹

和名以之加仁


シツヒヤイ

本細石蟹生溪澗石穴中小而殼堅赤野人食之
蚌江 生海濱兩螯極小如石者不可食

がさめ

桀步

執火



擁劔蟹


和名加散采

ヨシケンヒヤイ

本細擁劔蟹一螯大一螯小常以大螯鬪小螯食物其殼

赤故名執火

△按擁劔蟹生江海大者味美用鹽水煮熟則變純赤色
脫甲取白肉食其黃最甘美山州和州溪澗有之每卜
月丑日必群出土人候此日多捕亦一異也



蝟蚌

俗云島蟹

ウメメ

蝟音撥棹子

本細蝟蚌其殼扁最大後足闊而如棹故名撥棹子隨潮
退殼一退一長其大者如升小者如盞標兩螯如手所以
異於衆蟹也其力至強八月能與虎鬪虎不如也
△按蝟蚌螯至強捕之者伸手搜石罅中為其所鉗牢不
可脫其小者亦鉗入出血

蟻生南海中殼闊而多黃其螯最銳斷物如艾刈



獨螯蟹

一手者俗呼名手亡此蟹一蟹故名保寧蟹

△按似小蟹而色白一螯者紀州和歌浦多有之見人則走入穴本艸獨螯者有毒不可食者是也



鱈魚

音后

俗云曹蟹又云宇無岐宇


本細鱈生南海狀如惠文冠尖頭廣尺餘其甲瑩滑青黑色鍬背骨眼在背上口在腹下頭如蠅蝦十二足似蟹在腹兩旁長五六尺尾長一二尺有三稜如椽莖背上有骨

如角高七八寸如石珊瑚狀每過海相負亦背乘風而遊俗呼鱈帆又曰鱈簿其血碧色腹有子如黍粟米可為醬尾有珠如粟其行也雌常負雄失其雌則雄即不動漁人取之必得其雙雄小雌大置之水中雄浮雌沉故閩人蟹禮用之其藏伏沙上亦自飛躍皮殼甚堅可為冠亦屈為杓入香中能發香氣尾可為小如意脂燒之可集鼠其性畏蚊螿之即死又畏隙光射之亦死而日中暴之往往無恙也

肉辛鹹平

南人以其肉作鮭醬

△按九州海中鱈有之狀如兎螯又似鬼面而人以恐懼



鬼鱈

俗云武文蟹其小者名島村蟹

和莫三才圖會

本細云蟹之小者名鬼蟹食之害人

△按鬼蟹乃蟹之小者而亦有大小因所在之地好事者附會勇士戰死者名以為其靈所化

元弘之亂秦武文死于攝州兵庫海故兵庫及播州明石浦之鬼蟹俗呼曰武文蟹其大近尺而螯赤色有白紋

享祿四年細川高國與三好戰于攝陽細川家臣島村何某挾敵二人没死尼崎水中故尼崎浦之小鬼蟹俗呼曰島村蟹其大一二寸圓而腹文如鬼面

出於讚州八島浦者名平家蟹出于賀越之海者名長田蟹亦皆後人以所附會也

筆談所謂關中人怪其形狀懸門上辟瘴之蟹者乃此等鬼蟹也

雜
三